



**Sud Bosne i Hercegovine
Суд Босне и Херцеговине**

Predmet broj: S1 2 K 003500 11 K

Datum: objavljivanja 28.10.2011. godine
pismenog otpravka 08.11. 2011. godine

Pred sudskim vijećem u sastavu: sudija Marijanović Anđelko, predsjednik vijeća
sudija, Strika Mirsad, član vijeća
sudija Radević Goran, član vijeća

PREDMET TUŽILAŠTVA BOSNE I HERCEGOVINE
protiv
OPTUŽENOG KOSJERINA GORDANA

PRESUDA

Tužilac Tužilaštva Bosne i Hercegovine: Čampara Dubravko

Branilac optuženog Kosjerina Gordana : advokat Dupovac Senad

U I M E B O S N E I H E R C E G O V I N E

Sud Bosne i Hercegovine, pretresno vijeće sastavljeno od sudije Marijanović Anđelka, kao predsjednika vijeća, te sudija Strika Mirsada i Radević Gorana, kao članova vijeća, uz sudjelovanje pravne savjetnice – asistentice Gadžo Mirele, kao zapisničarke, u krivičnom predmetu protiv optuženog Kosjerina Gordana, zbog krivičnog djela Neovlašteni promet opojnim drogama iz člana 195. stav 2. u vezi sa stavom 1. Krivičnog zakona Bosne i Hercegovine (KZ BiH), povodom optužnice Tužilaštva Bosne i Hercegovine, broj: T20 0 KT 0000470 10 od 15.11.2010. godine, potvrđena dana 18.11.2010. godine, precizirana podneskom broj: T20 0 KT 0000470 10 od 15.04.2011. godine, kojeg je Sud zaprimio dana 19.04.2011. godine, nakon održanog ročišta za izricanje krivično pravne sankcije na osnovu sporazuma o priznanju krivnje broj: T20 0 KT 0000470 10 zaključenog dana 17.10.2011. godine između Tužilaštva BiH i optuženog Kosjerina Gordana i njegovog branioca Dupovac Senada, u prisustvu tužioca Tužilaštva BiH, Čampara Dubravka, optuženog lično i njegovog branioca, donio je i javno objavio dana 28.10.2011. godine sljedeću:

P R E S U D U

Optuženi:

Kosjerina Gordan zvani "Goća", sin Lazarov i majke Olge rođene Janjoš, rođen 13. 02. 1966. godine u Sarajevu, nastanjen u mjestu Krajpolje bb, opština Ljubinje, po nacionalnosti Srbin, državljanin BiH, pismen sa završenom SSS, po zanimanju vozač, oženjen, otac troje djece, posjeduje JMB:1302966150009 i ličnu kartu broj:04EZA1304, izdatu od MUP RS Ljubinje, prema podacima iz kaznene evidencije do sada osuđivan za: Presudom Osnovnog suda u Mostaru broj K-33/87 od dana 26. 04. 1988. godine zbog izvršenja krivičnog djela iz člana 148. stav 1. KZ BiH, osuđen na kaznu zatvora u trajanju od tri (3) mjeseca, uslovno na jednu (1) godinu, Presudom Osnovnog suda u Mostaru broj K-237/88 od dana 26.04.1988. godine zbog izvršenja krivičnog djela iz člana 148. stav 1. KZ SR BiH, osuđen na kaznu zatvora u trajanju od tri (3) mjeseca,

KRIV JE

Što je:

Perić Dario zvan Crni od početka 2010. godine, sa ciljem vršenja krivičnog djela neovlašteni promet opojnim drogama iz člana 195. Krivičnog zakona Bosne i Hercegovine organizovao grupu ljudi, koja je djelovala sve do sredine 2010. godine, koju je organizovao radi neovlaštene međunarodne kupoprodaje, prijenosa, prevoza, držanja, posredovanja, slanja i isporuke te uvoza i izvoza opojne droge skunk, a koja opojna droga je Konvencijom o psihotropnim supstancama od 1971. godine i Rješenjem o popisu opojnih droga („Službeni list RBiH“ br. 2/92 i 13/94) proglašena opojnom drogom i čiji je promet zabranjen u skladu sa odredbama Zakona o proizvodnji i prometu opojnih droga („Službeni list RBiH“ br.2/92 i 13/94) i Zakona o spriječavanju i suzbijanju zloupotrebe opojnih droga („Službeni glasnik BiH“ br. 8/06), i to sa područja R Crne Gore na područje Bosne i Hercegovine i R Hrvatske, sve sa ciljem daljnje prodaje na području BiH i R Hrvatske, a u koju grupu su pristupili kao članovi Perić Tomislav, Toholj Desko zvan „Brko“, Rizvanbegović Hamdija zvan „Hamdo“, Kosjerina Gordan zvan „Goća“, Ivanković Amir, Prce Josip zvan „Jopa“, Šljivić Šimo, Rahić Ermin i Katica Alen, a sve s ciljem pribavljanja protivpravne imovinske koristi, pa su tako:

Perić Dario zvan „Crni“ zajedno sa Milić Aleksandrom zvan „Sale“, Kosjerina Gordanom zvan „Goća“, Perić Tomislavom zvan „Tomo“ i Šljivić Šimom:

Dana 30.03.2010. godine nakon što je Perić Dario, od Milić Aleksandra zvan Sale iz Trebinja, naručio kupovinu veće količine opojne droge skunk od 40 kg, Milić Aleksandar je po uputama Perić Daria u mjestu Ljubinje opojnu drogu, zajedno sa Kosjerina Gordanom zvanim Goća koji mu je pomogao da preveze opojnu drogu, svojim vozilom istog dana u večernjim satima, tačnije oko 18,00 sati u dogovoru sa Perić Dariom opojnu drogu skunk u navedenoj količini Milić je predao Perić Tomislavu iz Stoca, koji je istu vozilom prevezao do mjesta koje se nalazi u neposrednoj blizini kuće Perić Daria, da bi istu drogu Perić Dario prebacio u svoju garažu u prizemlju porodične kuće, gdje je istu prepakovao i pripremio za transport, te iste večeri, Perić Dario pozvao Prce Josipa zvanog Jopa putem telefona i rekao mu da dođe kod istog, što je Jopa i učinio, gdje je u svoje vozilo Mercedes reg. oznaka 015-E-656 ubacio dva pakovanja opojne droge skunk, koju je

Prce Josip odvezao po instrukcijama Perić Daria u Mostar i predao NN licu, nakon čega je Perić Dario dana 31.03.2010. godine u prijedopodnevnim satima pozvao Elezović Emanvela zvani Ema, te je skupa sa istim u svoj pmv Golf natovario 10 kg opojne droge skank, i istu drogu prebacio u R Hrvatsku te je odvezao u pravcu Zadra gdje ga je sačekao Šljivić Šimo koji je istu prodao u u R Hrvatskoj.

Dakle, Kosjerina Gordan, kao član organizovane grupe ljudi, neovlašteno učestvovao u međunarodnoj prodaji, prijenosu, posredovanju u prodaji, držanju i prevozu supstanci ili preparata koji su propisom proglašeni opojnim drogama,

Čime je:

Kosjerina Gordan počinio krivično djelo Neovlaštenei promet opojnim drogama iz člana 195. stav. 2 u vezi sa stavom 1. Krivičnog Zakona Bosne i Hercegovine.

Optuženog Kosjerina Gordana, Sud na osnovu primjene navedenih zakonskih propisa uz primjenu odredbi iz člana 39, 42, 48, 49. i 50. stav 1. tačka b) Krivičnog zakona Bosne i Hercegovine

O S U Đ U J E

NA U KAZNU ZATVORA U TRAJANJU OD 1 (JEDNE) GODINE

Na osnovu primjene zakonskog propisa iz člana 56. KZ BiH, optuženom Kosjerina Gordanu u izrečenu kaznu zatvora uračunava se vrijeme provedeno u pritvoru **od 07.07.2010. godine do 06.09.2010. godine, te od 27.10.2010. godine do 21.12.2010. godine.**

U skladu sa odredbom člana 188. stav 4. ZKP BiH, optuženi Kosjerina Gordan se oslobađa obaveze plaćanja troškova krivičnog postupka, te isti padaju na teret budžetskih sredstava.

Obrazloženje

Tužilaštvo Bosne i Hercegovine podnijelo je kod ovog Suda Optužnicu broj T20 0 KT 0000470 10 od 15.11.2010. godine, potvrđena dana 18.11.2010. godine, protiv optuženih Perić Daria, Milić Aleksandra, Milićević Slobodana, Toholj Deska, Rizvanbegović Hamdije, Kosjerina Gordana, Prce Josipa, Raguž Luke, Šljivić Šime, Perić Tomislava, Đulić Musaira, Rahić Ermina, Katica Alena i Ivanković Amira radi počinjenja krivičnog djela Organizovani kriminal iz člana 250. stav 1. i 3. a u vezi sa krivičnim djelom Neovlašteni promet opojnim drogama iz člana 195. stav 2. u vezi sa stavom 1. Krivičnog zakona Bosne i Hercegovine, kao i krivično djelo Nedoizvoljena proizvodnja i promet oružja ili eksplozivnih materija iz člana 399. stav 1. Krivičnog zakona Republike Srpske u odnosu na optuženog Toholj Deska.

Označena Optužnica je precizirana podneskom broj: T20 0 KT 0000470 10 od 15.04.2011. godine, kojeg je Sud zaprimio dana 19.04.2011. godine, kojom se optuženi terete za izvršenje krivičnog djela Neovlašteni promet opojnim drogama iz člana 195. stav 2. u vezi sa stavom 1. Krivičnog zakona Bosne i Hercegovine, te optuženi Toholj Desko i krivičnim djelom Nedoizvoljena proizvodnja i promet oružja ili eksplozivnih materija iz člana 399. stav 1. Krivičnog zakona Republike Srpske.

Pokrenuti postupak je ranije razdvojen po osnovu odredbe člana 26. Zakona o krivičnom postupku BiH (ZKP BiH) odlukom pretresnog Vijeća prvo u odnosu na Perić Daria, Milić Aleksandra, Milićević Slobodana, Rizvanbegović Hamdiju, Prce Josipa, Šljivić Šimu, Perić Tomislava, Rahić Ermina i Katica Alena, koji su sa Tužilaštvom zaključili sporazum o priznanju krivnje i u odnosu na koje je postupak okončan pod brojem S1 2 K 005721 11 K.

Nakon toga, ponovno je predmetni postupak razdvojen u odnosu na optuženog Toholj Deska, koji je također sa Tužilaštvom zaključio sporazum o priznanju krivnje, te je određeno da će se u odnosu na ovog optuženog postupak dovršiti pod brojem: S1 2 K 006405 11 K, zatim je postupak razdvojen i u odnosu na optužene Raguž Luku i Đulić Musaira, te je određeno da će se predmet protiv njih voditi pod posebnim brojem: S1 2 K 006404 11 K, da bi postupak bio razdvojen i u odnosu na optuženog Ivanković Amira, koji postupak je nastavljen i zaključivanjem sporazuma okončan pod brojem S1 2 K 007482 11 K, dok je postupak u odnosu na optuženog Kosjerina Gordana nastavljen

pod gore navedenim brojem i to S1 2 K 003500 11 K, pod kojim je i okončan zaključivanjem sporazuma o priznanju krivnje.

Sud je dakle zaprimio sporazum o priznanju krivnje kojeg je optuženi Kosjerina Gordan zaključio sa Tužilaštvom BiH dana 17.10.2011. godine kojim je priznao izvršenje krivičnih djela Neovlašteni promet opojnim drogama iz člana 195. stav. 2 u vezi sa stavom 1. Krivičnog Zakona Bosne i Hercegovine, te je u skladu sa članom 231. ZKP BiH, razmotrio zaključeni sporazum.

U zaključenom sporazumu je predloženo da se optuženom Kosjerina Gordanu za počinjeno krivično djelo Neovlašteni promet opojnim drogama iz člana 195. stav 2. u vezi sa stavom 1. KZ BiH izrekne kazna zatvora u trajanju od 1 (jedne) godine.

Optuženi je upoznat sa činjenicom da može snositi troškove koji su proizašli iz ovog krivičnog postupka, u iznosu koji utvrdi Sud.

Na pretresu za razmatranje sporazuma o priznanju krivnje održanom dana 28.10.2011. godine, Sud je utvrdio da je optuženi sklopio navedeni sporazum dobrovoljno, svjesno i sa razumijevanjem, a nakon što je upoznat sa mogućim posljedicama, uključujući i posljedice vezane za moguće imovinsko pravne zahtjeve i troškove krivičnog postupka.

Sud je također utvrdio i da postoji dovoljno dokaza o krivnji optuženog, kao i da je optuženi razumio da se na ovaj način odriče prava na suđenje i da ne može izjaviti žalbu na krivičnopravnu sankciju koja će mu biti izrečena.

Tužilaštvo je na glavnom pretresu i ročištu za ocjenu sporazuma o priznanju krivnje, predočilo dokaze, i to: Izvještaj SIPA-e 17-13/1-5-04-1-465-132/09 od 07.07.2010. godine, o realizaciji usmene naredbe Suda BiH, sa priložima (Naredba za pretres, zapisnik o lišenju slobode, zapisnik o pretresu stana, potvrda o privremenom oduzimanju predmeta); Izvještaj o počinjenom krivičnom djelu i izvršiocima br.17-13-1-5-04-1-KU-38/10 od 07.07.2010. godine, sa priložima (službene zabilješke – 1 x, Izvještaj Tima za operativni nadzor, fotokopija krivičnog spisa - predmeta iz MUP-a RH i šematski prikaz broj VII-1 x); Izvod iz kaznene evidencije za lice Kosjerina Gordan broj 02/1-1-2-POV-54/10 od 20.07. 2010. godine; Izvještaj SIPA-e o vještačenju broj 17-09/2-04-7-846-8/10 sa prilogom (CD

disk), Transkripti telefonskih razgovora u formi službenih zabilješki: zabilješka broj 17-13/2-04-1-18-62/10 od 12.03.2010. godine, zabilješka broj 17-13/2-04-1-18-64/10 od 12.03.2010. godine, zabilješka broj 17-13/2-04-1-18-51/10 od 04.03.2010. godine, zabilješka broj 17-13/2-04-1-18-53/10 od 04.03.2010. godine, zabilješka broj 17-13/2-04-1-18-60/10 od 12.03.2010. godine, zabilješka broj 17-13/2-04-1-18-62/10 od 12.03.2010. godine, zabilješka broj 17-13/2-04-1-18-87/10 od 23.03.2010. godine, zabilješka broj 17-13/2-04-1-18-88/10 od 23.03.2010. godine, zabilješka broj 17-13/2-04-1-18-89/10 od 23.03.2010. godine, zabilješka broj 17-13/2-04-1-18-102/10 od 01.04.2010. godine, zabilješka broj 17-13/2-04-1-18-90/10 od 23.03.2010. godine, zabilješka broj 17-13/2-04-1-18-103/10 od 02.04.2010. godine, zabilješka broj 17-13/2-04-1-18-104/10 od 05.04.2010. godine, sa prilogom (CD disk); Zapisnik o ispitivanju osumnjičenog Perić Daria od 12.08.2010. godine; Zapisnik o ispitivanju osumnjičenog Perić Tomislava od 13.08.2010. godine; Zapisnik o ispitivanju osumnjičenog Kosjerina Gordana od 07.07.2010. godine i Zapisnik o ispitivanju osumnjičenog Kosjerina Gordana od 03.09.2010. godine.

Sud je cijenio i iskaze svjedoka Tužilaštva, saslušanih u ranijem toku postupka na okolnosti navoda iz predmetna Optužnice, i to: Dedović Salke, Tribun Dražena, Vrbić Bojana i Kukavica Jasmina, službena lica Državne agencije za istrage i zaštitu, koji su u ovom predmetu provodili posebne istražne radnje po naredbama Suda i koji su imali neposredna opažanja o kretanju i komunikaciji optuženih u ovoj krivično-pravnoj stvari. Iz iskaza navedenih svjedoka Tužilaštva nesumnjivim proizilazi da je optuženi Kosjerina Gordana kao pripadnik organizovane grupe ljudi na čelu sa Perić Dariom, učestvovao u transportu opojne droge – skunk, koja je naknadno korištena u međunarodnoj trgovini opojnim sredstvima.

Iskaze navedenih svjedoka, Sud je prihvatio kao objektivne i tačne, jer su u skladu sa provedenim materijalnim dokazima.

Sud je nakon saslušanja stranaka i branioca prihvatio predmetni Sporazum o uslovima priznanja krivnje optuženog, te je zakazan pretres radi izricanja krivično-pravne sankcije i mjera optuženom, kao i drugih odluka Suda u vezi sa usvojenim označenim Sporazumom o priznanju krivnje i prijedlozima stranaka i branioca.

Tokom pretresa za izricanje krivičnopravne sankcije, održanog istog dana, a nakon što

je Sud prihvatio predmetni sporazum, Tužilaštvo BiH je istaklo da je već duže vremena pregovaralo sa osuđenim o krivnji u okviru kojih pregovora je osuđeni priznao izvršenje krivičnog djela, pri tome ističući da se radi o ranije osuđivanoj osobi, ali ne za istovrsna krivična djela, da je osuđeni porodičan čovjek koji je obećao da više neće dolaziti u sukob sa zakonom. Tužilaštvo smatra da će predloženom sankcijom – 1 godina zatvora biti ostvarna svrha kažnjavanja. Pored toga, Tužilaštvo je istaklo da je optuženi Kosjerina lice koje je lošeg imovnog stanja, koje je nezaposleno, te da se slaže da se isti oslobodi troškova krivičnog postupka, ukoliko o tome dostavi Sudu i adekvatnu dokumentaciju koja će iste navode potkrijepiti. Također je predloženo da se u odnosu na optuženog ukinu mjere zabrane određene u ranijem toku postupka.

Obrana optuženog Kosjerina Gordana, je istakla da su saglasni sa prijedlogom Tužilaštva, te također predlažu da se optuženi oslobodi troškova krivičnog postupka, tom prilikom prilažući Akt Općine Ljubinje od 28.10.2011. godine na okolnost da optuženi Kosjerina živi u petočlanom domaćinstvu sa dvoje djece od kojih je jedno student a jedno učenik, te da malodobna kćerka još uvijek nije prispjela za školovanje, zatim Potvrdu sa BIRO-a za zapošljavanje filijale Trebinje od 26.10.2011. godine, te Akt Republičke uprave za geodetske pravne poslove Banja Luka od 26.10.2011. godine – Uvjerenje o katastarskom prihodu u smislu da optuženi ostvaruje katastarski prihod od 3,58 KM.

Zaključak da je optuženi počinio krivično djelo koje mu se stavlja na teret i za koje je oglašen odgovornim u izreci ove presude, Sud zasniva na temelju ocjene provedenih dokaza, dovodeći iste u vezu sa odbranom optuženog, prihvatajući izjavu optuženog kojom je priznao u cjelosti djelo koje mu se stavlja na teret Optužnicom, te dovodeći priznanje optuženog u vezu sa provedenim dokazima, koje sve dokaze je Sud ocijenio i prihvatio kao istinite, objektivne i nesporne, pa je utvrđeno da je opisanim radnjama optuženi ostvario sva bitna obilježja krivičnog djela Neovlašteni promet opojnim drogama iz člana 195. stav 2. u vezi sa stavom 1. KZ BiH, nalazeći da je optuženi kritične prilike postupao u uračunljivom stanju i sa umišljajem, odnosno sa sviješću i voljom da ostvari zabranjene posljedice. Zbog navedenog, Sud je optuženog oglasio odgovornim i krivim za krivično djelo iz izreke ove presude, jer je isto potpuno i na nesumnjiv način za Sud dokazano.

Sud je primjenom odredbi člana 39, 42, 48, 49. i 50. stav 1. tačka b) KZ BiH (objavljen u

„Sl. glasnik BiH“ broj 3/03 sa izmjenama i dopunama objavljenim u „Sl. glasniku BiH“ broj: 32/03, 37/03, 54/04, 61/05, 30/05, 53/06, 55/06 i 32/07) optuženom Kosjerina Gordanu za krivično djelo Neovlašteni promet opojnim drogama iz člana 195. stav 2. u vezi sa stavom 1. KZ BiH izrekao kaznu zatvora u trajanju od 1 godine, iako je odredbom člana 195. stav 2. u vezi sa stavom 1. KZ BiH, koji zakon je važio u vrijeme izvršenja predmetnog krivičnog djela i kojim se tereti optuženi Kosjerina predviđena kazna zatvora najmanje tri godine. Sud će prije nego što obrazloži osobito olakšavajuće okolnosti koje su primjenom člana 50. KZ BiH dovele do odmjeravanja kazne ispod zakonskog minimuma, obrazložiti vremensko važenje KZ BiH. Naime, prema odredbi člana 4. stav 1. KZ BiH na učinitelja krivičnog djela se primjenjuje zakon koji je bio na snazi u vrijeme učinjenja krivičnog djela, dok prema stavu 2. istog člana, ukoliko se poslije učinjenja krivičnog djela jednom ili više puta izmjeni zakon, primjeniće se zakon koji je blaži za učinitelja. Obzirom da je poslije učinjenja predmetnog krivičnog djela KZ BiH izmijenjen Zakonom o izmjenama i dopunama KZ BiH objavljenim u „Sl. glasniku BiH“ broj 08/10, i prema kojem je u članu 195. stav 2. za ovo krivično djelo zapriječena kazna zatvora od najmanje 5 godina, to je Sud cijenio da je KZ BiH koji je važio u vrijeme izvršenja predmetnog krivičnog djela (objavljen u „Sl. glasnik BiH“ broj 3/03 sa izmjenama i dopunama objavljenim u „Sl. glasniku BiH“ broj: 32/03, 37/03, 54/04, 61/05, 30/05, 53/06, 55/06 i 32/07) blaži za učinioca, budući da za isto djelo predviđa kaznu zatvora od najmanje tri godine, dakle, blažu kaznu.

Sud je cijeneći okolnosti slučaja, utvrdio da postoje osobito olakšavajuće okolnosti koje ukazuju da će se u konkretnom slučaju postići svrha kažnjavanja odmjeravanjem kazne ispod granice propisane zakonom. Sud je od olakšavajućih okolnosti cijenio da je optuženi porodičan čovjek, otac troje djece, lošeg imovnog stanja, koje činjenice kada se dovedu u vezu sa njegovim priznajem izvršenja krivičnog djela, saradnjom sa Tužilaštvom BiH i obećanjem da će svjedočiti u ovom predmetu Tužilaštva, u svojoj ukupnosti predstavljaju osobito olakšavajuće okolnosti, koje primjenom odredbe člana 50. stav 1. tačka b) KZ BiH u ovom slučaju opravdavaju ublažavanje kazne ispod posebnog zakonskog minimuma. Stoga je kazna zatvora u trajanju od 1 (jedne) godine za navedeno krivično djelo adekvatna za postizanje svrhe kažnjavanja predviđene članom 39. KZ BiH.

Odluku u pogledu krivično pravne sankcije Sud je donio cijeneći da je ista srazmjerna težini počinjenog krivičnog djela i stepenu krivične odgovornosti, te cijeneći da će se na taj način ostvariti svrha krivičnopravne sankcije, koja se sastoji u generalnoj i specijalnoj

prevenciji tj. preventivnom uticaju na druge da poštuju pravni sistem i ne čine krivična djela, odnosno spriječavanje samih učinilaca da čine krivična djela.

Na osnovu člana 56. KZ BiH Sud je optuženom u izrečenu kaznu zatvora uračunao vrijeme koje je proveo u pritvoru od od 07.07.2010. godine do 06.09.2010. godine, te od 27.10.2010. godine do 21.12.2010. godine.

Optuženog Kosjerina Gordana, Sud je primjenom odredbe člana 188. stav 4. ZKP BiH, oslobodio obaveze naknade troškova postupka, obzirom da iz priložene dokumentacije: Akt Općine Ljubinje od 28.10.2011. godine, Potvrda sa BIRO-a - Filijala Trebinje od 26.10.2011. godine i Akt Republičke uprave za geodetske pravne poslove Banja Luka od 26.10.2011. godine – Uvjerenje o katastarskom prihodu, proizilazi da je optuženi lošeg imovnog stanja, bez stalnih primanja, zbog čega bi se obvezivanjem na naknadu troškova postupka dovelo u pitanje njegovo izdržavanje i izdržavanje lica koja je po zakonu dužan izdržavati.

ZAPISNIČARKA

Pravna savjetnica – asistentica

Mirela Gadžo

PREDSJEDNIK VIJEĆA

SUDIJA

Marijanović Anđelko

POUKA O PRAVNOM LIJEKU: Protiv ove presude dozvoljena je žalba vijeću Apelacionog odjeljenja Suda u roku od 15 dana od dana primitka iste. Obzirom da je presuda donesena na osnovu sporazuma o priznanju krivnje, žalba na krivičnopravnu sankciju nije dozvoljena.